

"Ұлттық бірыңғай тестілеуді өткізу қағидаларын бекіту туралы" Қазақстан Республикасы Білім және ғылым министрінің 2017 жылғы 2 мамырдағы № 204 бұйрығына өзгерістер мен толықтырулар енгізу туралы

Қазақстан Республикасы Ғылым және жоғары білім министрінің м.а. 2024 жылғы 28 маусымдағы № 318 бұйрығы. Қазақстан Республикасының Әділет министрлігінде 2024 жылғы 29 маусымда № 34669 болып тіркелді

БҰЙЫРАМЫН:

1. "Ұлттық бірыңғай тестілеуді өткізу қағидаларын бекіту туралы" Қазақстан Республикасы Білім және ғылым министрінің 2017 жылғы 2 мамырдағы № 204 бұйрығына (Нормативтік құқықтық актілерді мемлекеттік тіркеу тізілімінде № 15173 болып тіркелген) мынадай өзгерістер мен толықтырулар енгізілсін:

көрсетілген бұйрықпен бекітілген "Ұлттық бірыңғай тестілеуді өткізу қағидаларында:

6-тармақ мынадай редакцияда жазылсын:

"6. Шығармашылық дайындықты талап ететін білім беру бағдарламалары топтарының түсушілерін қоспағанда, түсушілер Қазақстан тарихы, математикалық сауаттылық, оқу сауаттылығы (оқу тілі) және екі бейіндік пән бойынша ҰБТ тапсырады

Қысқартылған оқу мерзімдерін көздейтін білім беру бағдарламалары топтары бойынша даярлаудың ұқсас бағыттарына түсушілерді қоспағанда, Қазақстан Республикасының азаматы болып табылмайтын ұлты қазақ адамдар Оқу сауаттылығы (оқу тілі) және екі бейіндік пән бойынша ҰБТ тапсырады.

Шығармашылық дайындықты талап ететін білім беру бағдарламалары топтарына түсуші адамдар Қазақстан тарихы және оқу сауаттылығы (оқу тілі) бойынша ҰБТ тапсырады.

Шығармашылық дайындықты талап ететін білім беру бағдарламалары топтарына түсуші Қазақстан Республикасының азаматы болып табылмайтын ұлты қазақ адамдар Оқу сауаттылығы (оқу тілі) бойынша ҰБТ тапсырады.

Шығармашылық даярлықты талап ететін білім беру бағдарламалары тобына түсушілерді қоспағанда, қысқартылған оқу мерзімдерін көздейтін білім беру бағдарламалары бойынша даярлаудың ұқсас бағыттарына түсетін адамдар, оның ішінде Қазақстан Республикасының азаматы болып табылмайтын ұлты қазақ адамдар ҰБТ-ді жалпы кәсіптік және арнайы пәндер бойынша тапсырады.

Шығармашылық дайындықты талап ететін, қысқартылған оқыту мерзімдерін көздейтін білім беру бағдарламаларының ұқсас бағыттарына оқуға түсуші адамдар,

оның ішінде Қазақстан Республикасының азаматы болып табылмайтын ұлты қазақ адамдар үшін ҰБТ арнайы пән бойынша өткізіледі.

"Педагогикалық ғылымдар" білім беру саласы бойынша білім беру бағдарламалары тобына ауысатындарды қоспағанда, шығармашылық дайындықты талап ететін білім беру бағдарламалары тобы бойынша білім алушы және басқа білім беру бағдарламалары тобына ауысуға ниет білдірген тұлғалар екі бейіндік бойынша ҰБТ тапсырады.

Шығармашылық дайындықты талап ететін білім беру бағдарламалары топтарынан ауысатындарды қоспағанда, басқа білім беру бағдарламалары тобы бойынша білім алушы және "Педагогикалық ғылымдар" білім беру саласы бойынша білім беру бағдарламалары тобына ауысуға ниет білдірген тұлғалар Қазақстан тарихы, математикалық сауаттылық, оқу сауаттылығы (оқу тілі) және екі бейіндік пән бойынша ҰБТ тапсырады.";

10-тармақ мынадай редакцияда жазылсын:

"10. Қысқартылған оқыту мерзімдерін көздейтін білім беру бағдарламаларының ұқсас бағыттарына оқуға түсушілерді қоспағанда, орта, техникалық және кәсіптік немесе орта білімнен кейінгі білім беру ұйымдарының бітірушілері үшін ҰБТ тест тапсырмаларының саны:

- 1) Қазақстан тарихы бойынша – 20;
- 2) математикалық сауаттылық бойынша – 10;
- 3) оқу сауаттылығы (оқу тілі) бойынша – 10;
- 4) бірінші бейіндік пән бойынша – 40;
- 5) екінші бейіндік пән бойынша – 40.

Қысқартылған оқу мерзімдерін көздейтін білім беру бағдарламалары топтары бойынша даярлаудың ұқсас бағыттарына түсетін адамдарды қоспағанда, Қазақстан Республикасының азаматы болып табылмайтын ұлты қазақ адамдар үшін ҰБТ тест тапсырмаларының саны:

- 1) оқу сауаттылығы (оқу тілі) бойынша – 10;
- 2) бірінші бейіндік пән бойынша – 40;
- 3) екінші бейіндік пән бойынша – 40.

Қысқартылған оқу мерзімдерін көздейтін білім беру бағдарламалары топтары бойынша даярлаудың ұқсас бағыттарына түсетін адамдарды қоспағанда, шығармашылық даярлықты талап ететін білім беру бағдарламалары тобына түсуші Қазақстан Республикасының азаматы болып табылмайтын ұлты қазақ адамдар үшін Оқу сауаттылығы (оқу тілі) бойынша ҰБТ тест тапсырмаларының саны – 10.

Ұлттық бірыңғай тестілеудің бейіндік пәндері көрсетілген білім беру бағдарламалары топтарының тізбесі осы Қағидаларға 1-қосымшаға сәйкес белгіленген.

Шығармашылық дайындықты талап ететін білім беру бағдарламалары тобы бойынша білім алушы және басқа білім беру бағдарламалары тобына ақылы негізде ауысуға ниет білдірген тұлғалар үшін ҰБТ тест тапсырмаларының саны:

1) бірінші бейіндік пән бойынша – 40;

2) екінші бейіндік пән бойынша – 40.";

мынадай мазмұндағы 12-1-тармақпен толықтырылсын:

"12-1. Қазақ тілін B1 (орта) деңгейден төмен емес меңгергенін растайтын ҚАЗТЕСТ сертификаты бар тұлғалар қалауы бойынша ҰБТ-ның "Қазақ тілі" бейіндік пәнінен немесе арнайы пәнінен тест тапсырудан босатылады және Үлгілік қағидалардың 4-2 тармағына және 2-2-қосымшасында белгіленген балдарды ауыстыру шкаласына сәйкес білім беру грантын тағайындау конкурсына қатыса алады және (немесе) ЖЖОКБҰ-ға ақылы негізде оқуға қабылдана алады.";

мынадай мазмұндағы 13-1-тармақпен толықтырылсын:

"13-1. "Назарбаев Зияткерлік мектептері" дербес білім беру ұйымының білім беру бағдарламалары бойынша оқуларын аяқтаған бітірушілерге ҰБТ сертификаттары Үлгілік қағидалардың 4-3-тармағына және "Назарбаев Зияткерлік мектептері" дербес білім беру ұйымы бітірушілерінің оқудағы нәтижелерінің сырттай бағалау балдарын ҰБТ балдарына ауыстыру шкаласы 2-3-қосымшаға сәйкес оқу нәтижелерінің сырттай бағалау балдарын ҰБТ-ның балдарына ауыстыру негізінде беріледі.";

14-тармақ мынадай редакцияда жазылсын:

"14. ҰБТ бойынша ең жоғары балл – 140 балл.

Шығармашылық дайындықты талап ететін білім беру бағдарламалары тобына түсетін тұлғалар үшін ҰБТ бойынша ең жоғары балл – 130 балл.

Қысқартылған оқу мерзімдерін көздейтін білім беру бағдарламалары топтары бойынша даярлаудың ұқсас бағыттарына түсетін адамдарды қоспағанда, шығармашылық даярлықты талап ететін білім беру бағдарламалары тобына түсуші Қазақстан Республикасының азаматы болып табылмайтын ұлты қазақ адамдар үшін ҰБТ бойынша ең жоғары балл – 110 баллды құрайды.";

мынадай мазмұндағы 74-2-тармақпен толықтырылсын:

"74-2. Шектеу іс-шаралары жүзеге асырылған, оның ішінде карантин, төтенше жағдай енгізілген, жаһандық немесе өңірлік, сондай-ақ жергілікті ауқымдағы әлеуметтік, табиғи және техногендік сипаттағы төтенше жағдайлар (одан әрі - шектеу іс-шаралары) туындаған кезде ғылым және жоғары білім саласындағы уәкілетті орган өтініштерді қабылдау және ҰБТ өткізу мерзімдеріне өзгеріс енгізеді.

Шектеу іс-шаралары кезінде Осы Қағиданың 74-1 тармағының 3) тармақшасында көрсетілген мерзімде жүргізілген ҰБТ-де төмен нәтижелер алған жағдайда республикалық бюджет немесе жергілікті бюджет қаражаты есебінен жоғары білімнің

білім беру грантын тағайындау конкурсында түсушінің қалауы бойынша осы Қағиданың 74-1 тармағының 1), 2) тармақшаларында көрсетілген мерзімдерде жүргізілген ҰБТ-дің ең жақсы нәтижесі ескеріледі.

Бұл ретте түсуші 74-1 тармағының 3) тармақшасында көрсетілген мерзімдегі ҰБТ қатысуы қажет.";

79-тармақ мынадай редакцияда жазылсын:

"79. ҰБТ ұзақтығы - 240 минут (4 сағат).

Тестілеудің 60 минуты өткеннен кейін жаттығуларға арналған 2 минут көлемінде үзіліс жүзеге асырылады.

120 минут тестілеу аяқталғаннан кейін жаттығуларға арналған 3 минут көлемінде үзіліс беріледі.

180 минут тестілеу аяқталғаннан кейін 3 минут көлемінде үзіліс беріледі.

Шығармашылық дайындықты талап ететін білім беру бағдарламалары тобына түсушілер үшін тестілеу ұзақтығы – 70 минут.

Қысқартылған оқу мерзімдерін көздейтін білім беру бағдарламалары топтары бойынша даярлаудың ұқсас бағыттарына түсетін адамдарды қоспағанда, Қазақстан Республикасының азаматы болып табылмайтын ұлты қазақ адамдар үшін тестілеудің ұзақтығы – 150 минут (2 сағат 30 минут).

Шығармашылық даярлықты талап ететін білім беру бағдарламалары тобына түсуші Қазақстан Республикасының азаматы болып табылмайтын ұлты қазақ адамдар үшін тестілеудің ұзақтығы – 20 минут.

Шығармашылық дайындықты талап ететін білім беру бағдарламалары тобы бойынша ЖЖОКБҰ – ның білім алушылары және басқа білім беру бағдарламалары топтарына ауысқысы келетіндер үшін тестілеу ұзақтығы-130 минут.

Қысқартылған оқыту мерзімдерін көздейтін білім беру бағдарламалары бойынша оқуға түсушілер үшін ҰБТ-ға 120 минут (2 сағат) бөлінеді.

Шығармашылық дайындықты талап ететін білім беру бағдарламалары тобына қысқартылған оқыту мерзімдерін көздейтін білім беру бағдарламалары бойынша ұқсас даярлау бағыттары бойынша түсушілер үшін-80 минут.

Мүгедектігі бар балалар және мүгедектігі бар адамдар (көру, есту, тірек-қимыл аппаратының функциялары бұзылған) үшін тестілеуге қосымша 40 минут уақыт беріледі.";

80-тармақ мынадай редакцияда жазылсын:

"80. Электрондық форматтағы ҰБТ-ны өткізу барысында түсушіге академиялық адалдық принциптерін бұзуға, оның ішінде:

аудиториядан (компьютерлік сыныптан) тестілеу әкімшісінің рұқсатынсыз 10 минуттан артық шығуға;

Бұл ретте төтенше, форс-мажорлық жағдайларды және/немесе түсушілердің денсаулығына байланысты жағдайларды қоспағанда, тестілеудің бірінші және соңғы сағаттарында шығуға;

сөйлесуге, орын ауыстыруға;

құжаттармен, кез келген тыйым салынған заттармен және түсушіге жұмыс үшін берілген А4 форматындағы парағымен алмасуға;

тестілеу материалдарын, құжаттарды және тест тапсырмаларымен жұмыс үшін берілген А4 форматындағы парақты аудиториядан (компьютерлік сыныптан) алып шығуға, бүлдіруге;

аудиторияға (компьютерлік сыныпқа) Қағидалардың 75-тармағында көрсетілген тыйым салынған заттарды алып кіруіне және/немесе қолдануына;

тестілеу алдында немесе тестілеу кезінде шулауға;

тестілеу тапсырмаларының мазмұнын талқылауға және жария етуге;

тестілеуге пайдаланылатын техникаға және қауіпсіздік жүйесіне қасақана зиян келтіруге;

тестілеу жүйесіне араласу әрекетіне және тестілеуден өтуге байланысты өзге де бұзушылықтарға рұқсат етілмейді.

Бұл ретте тестілеу өткізілетін компьютердің интерфейсіндегі калькуляторларды, Менделеев кестесін және тұздардың ерігіштігі кестесін пайдалануға рұқсат етіледі.

Бұл ретте осы Қағидалардың 74-1 тармағының 3) тармақшасында көрсетілген мерзімде ҰБТ тапсыратын тұлғаларға Менделеев кестесі мен тұздардың ерігіштігі кестесі қосымша қағаз нұсқада беріледі.

Түсуші аудиториядан шыққан жағдайда аудиторияға қайта кірген кезде металл іздегішпен тексеріліп кіргізіледі.";

1-қосымша осы бұйрыққа қосымшаға сәйкес редакцияда жазылсын.

2. Қазақстан Республикасы Ғылым және жоғары білім министрлігінің Жоғары және жоғары оқу орнынан кейінгі білім комитеті Қазақстан Республикасының заңнамасында белгіленген тәртіппен осы бұйрықтың Қазақстан Республикасы Әділет министрлігінде мемлекеттік тіркелуін және ол ресми жарияланғаннан кейін Қазақстан Республикасы Ғылым және жоғары білім министрлігінің ресми интернет-ресурсында орналастыруды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Ғылым және жоғары білім вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

*Қазақстан Республикасы
Ғылым және жоғары білім
министрдің міндетін атқарушы*

Т. Ешенкулов

"КЕЛІСІЛДІ"

Қазақстан Республикасының
Мәдениет және ақпарат министрлігі

2024 жылғы 28 маусымдағы
№ 318 бұйрығына
қосымша
Ұлттық бірыңғай тестілеуді
өткізу қағидаларына
1-қосымша

Ұлттық бірыңғай тестілеудің бейіндік пәндері көрсетілген білім беру бағдарламалары
топтарының тізбесі

Білім беру бағдарламасы тобының нөмірі	Білім беру бағдарламалары тобы	Бейіндік пәндер	
		1 бейіндік пән	2 бейіндік пән
B001	Педагогика және психология	Биология	География
B002	Мектепке дейінгі оқыту және тәрбиелеу	Биология	География
B003	Бастауышта оқыту педагогикасы мен әдістемесі	Биология	География
B004	Бастапқы әскери дайындық мұғалімдерін даярлау	Шығармашылық емтихан	Шығармашылық емтихан
B005	Дене шынықтыру мұғалімдерін даярлау	Шығармашылық емтихан	Шығармашылық емтихан
B006	Музыка мұғалімдерін даярлау	Шығармашылық емтихан	Шығармашылық емтихан
B007	Көркем еңбек және сызу мұғалімдерін даярлау	Шығармашылық емтихан	Шығармашылық емтихан
B008	Құқық және экономика негіздері мұғалімдерін даярлау	Дүниежүзі тарихы	География
B009	Математика мұғалімдерін даярлау	Математика	Физика
B010	Физика мұғалімдерін даярлау	Физика	Математика
B011	Информатика мұғалімдерін даярлау	Математика	Информатика
B012	Химия мұғалімдерін даярлау	Химия	Биология
B013	Биология мұғалімдерін даярлау	Биология	Химия
B014	География мұғалімдерін даярлау	География	Дүниежүзі тарихы
B015	Гуманитарлық пәндер мұғалімдерін даярлау	Дүниежүзі тарихы	География

B016	Қазақ тілі мен әдебиеті мұғалімдерін даярлау	Қазақ тілі	Қазақ әдебиеті
B017	Орыс тілі мен әдебиеті мұғалімдерін даярлау	Орыс тілі	Орыс әдебиеті
B018	Шет тілі мұғалімдерін даярлау	Шетел тілі	Дүниежүзі тарихы
B019	Әлеуметтік педагогтарды даярлау	Биология	География
B020	Арнайы педагогика	Биология	География
B120	Кәсіптік оқыту педагогтарын даярлау (сала бойынша)	Физика	Математика
B021	Орындаушылық өнер	Шығармашылық емтихан	Шығармашылық емтихан
B022	Музыкатану	Шығармашылық емтихан	Шығармашылық емтихан
B023	Режиссура, арт-менеджмент	Шығармашылық емтихан	Шығармашылық емтихан
B024	Өнертану	Шығармашылық емтихан	Шығармашылық емтихан
B025	Дирижирлеу	Шығармашылық емтихан	Шығармашылық емтихан
B026	Композиция	Шығармашылық емтихан	Шығармашылық емтихан
B027	Театр өнері	Шығармашылық емтихан	Шығармашылық емтихан
B028	Хореография	Шығармашылық емтихан	Шығармашылық емтихан
B029	Аудиовизуалды құрылғылар және медиа өндіріс	Шығармашылық емтихан	Шығармашылық емтихан
B030	Бейнелеу өнері	Шығармашылық емтихан	Шығармашылық емтихан
B031	Сән, дизайн	Шығармашылық емтихан	Шығармашылық емтихан
B099	Аспаптық орындау	Шығармашылық емтихан	Шығармашылық емтихан
B100	Вокалдық өнері	Шығармашылық емтихан	Шығармашылық емтихан
B101	Дәстүрлі музыкалық өнері	Шығармашылық емтихан	Шығармашылық емтихан
B102	Эстрада өнері	Шығармашылық емтихан	Шығармашылық емтихан
B103	Кино және теледидар режиссурасы	Шығармашылық емтихан	Шығармашылық емтихан
B104	Сахналық өнерлердің және цирк режиссурасы	Шығармашылық емтихан	Шығармашылық емтихан
B105	Анимациялық режиссура	Шығармашылық емтихан	Шығармашылық емтихан
B106	Операторлық және фото өнері	Шығармашылық емтихан	Шығармашылық емтихан
B107	Медиаөнер және сандық технологиялар	Шығармашылық емтихан	Шығармашылық емтихан
B108	Сценография	Шығармашылық емтихан	Шығармашылық емтихан
B109	Сәндік өнері	Шығармашылық емтихан	Шығармашылық емтихан
B110	Фэшн дизайны	Шығармашылық емтихан	Шығармашылық емтихан
B032	Философия және этика	Дүниежүзі тарихы	География
B033	Дінтану және теология	Шығармашылық емтихан	Шығармашылық емтихан
B034	Тарих	Дүниежүзі тарихы	География

B134	Археология және этнология	Дүниежүзі тарихы	География
B035	Түркітану	Дүниежүзі тарихы	Шетел тілі
B135	Шығыстану	Дүниежүзі тарихы	Шетел тілі
B036	Аударма ісі	Шетел тілі	Дүниежүзі тарихы
B037	Филология	Қазақ/Орыс тілі	Қазақ/Орыс әдебиеті
B038	Әлеуметтану	Математика	География
B039	Мәдениеттану	Дүниежүзі тарихы	Шетел тілі
B040	Саясаттану	Дүниежүзі тарихы	Шетел тілі
B140	Халықаралық қатынастар және дипломатия	Дүниежүзі тарихы	Шетел тілі
B041	Психология	Биология	География
B042	Журналистика және репортер ісі	Шығармашылық емтихан	Шығармашылық емтихан
B043	Кітапхана ісі, ақпараттарды өңдеу және мұрағат ісі	Қазақ/Орыс тілі	Қазақ/Орыс әдебиеті
B044	Менеджмент және басқару	Математика	География
B045	Аудит және салық салу	Математика	География
B145	Мемлекеттік аудит	Математика	География
B046	Қаржы, экономика, банк және сақтандыру ісі	Математика	География
B047	Маркетинг және жарнама	Математика	География
B048	Еңбек дағдылары	Математика	География
B049	Құқық	Дүниежүзі тарихы	Құқық негіздері
B050	Биологиялық және сабақтас ғылымдар	Биология	Химия
B051	Қоршаған орта	Биология	География
B052	Жер туралы ғылым	Математика	География
B053	Химия	Химия	Биология
B054	Физика	Физика	Математика
B055	Математика және статистика	Математика	Физика
B056	Механика	Математика	Физика
B057	Ақпараттық технологиялар	Математика	Информатика
B058	Ақпараттық қауіпсіздік	Математика	Информатика
B158	Криптология	Математика	Информатика
B059	Коммуникациялар және коммуникациялық технологиялар	Математика	Физика
B060	Химиялық инженерия және процестер	Химия	Физика

B061	Материалтану және технологиялар	Математика	Физика
B062	Электр техникасы және энергетика	Математика	Физика
B063	Электр техникасы және автоматтандыру	Математика	Физика
B064	Механика және металл өңдеу	Математика	Физика
B065	Көлік техникасы және технологиялар	Математика	Физика
B066	Теңіз көлігі және технологиялары	Математика	Физика
B067	Әуе көлігі және технологиялары	Математика	Физика
B167	Ұшу аппараттары мен қозғалтқыштарды ұшуда пайдалану *****	Математика	Физика
B165	Магистральды желілер және инфрақұрылым	Математика	Физика
B166	Көліктік имараттар	Математика	Физика
B068	Азық-түлік өнімдерінің өндірісі	Биология	Химия
B069	Материалдар өндірісі (шыны, қағаз, пластик, ағаш)	Математика	Физика
B070	Тоқыма: киім, аяқ киім және былғары бұйымдары	Математика	Физика
B071	Тау-кен ісі және пайдалы қазбаларды өндіру	Математика	Физика
B072	Фармацевтикалық өндіріс технологиясы	Химия	Биология
B073	Сәулет	Шығармашылық емтихан	Шығармашылық емтихан
B173	Гидромелиорация	Математика	Физика
B175	Сумен қамтамасыз ету және суды бұру	Математика	Физика
B074	Қала құрылысы, құрылыс жұмыстары және азаматтық құрылыс	Математика	Физика
B126	Көлік құрылысы	Математика	Физика
B176	Гидротехникалық құрылыс және су ресурстарын басқару	Математика	Физика
B075	Кадастр және жерге орналастыру	Математика	География
	Стандарттау, сертификаттау және		

B076	метрология (сала бойынша)	Математика	Физика
B077	Өсімдік шаруашылығы	Биология	Химия
B078	Мал шаруашылығы	Биология	Химия
B079	Орман шаруашылығы	Биология	География
B080	Балық шаруашылығы	Биология	Химия
B081	Жерге орналастыру	Математика	Физика
B082	Су ресурстары және суды пайдалану	Математика	Физика
B183	Агроинженерия	Математика	Физика
B083	Ветеринария	Биология	Химия
B091	Туризм	География	Шетел тілі
B092	Тынығу	Шығармашылық емтихан	Шығармашылық емтихан
B093	Мейрамхана ісі және мейманхана бизнесі	География	Шетел тілі
B094	Санитарлық-профилактикалық іс-шаралар	Математика	Физика
B095	Көлік қызметтері	Математика	География
B090	Әлеуметтік жұмыс	Биология	География
B098	Спорт	Шығармашылық емтихан	Шығармашылық емтихан
B084	Мейіргер ісі	Биология	Химия
B085	Фармация	Биология	Химия
BM086	Медицина	Биология	Химия
BM087	Стоматология	Биология	Химия
BM088	Педиатрия	Биология	Химия
B089	Қоғамдық денсаулық сақтау	Биология	Химия
BM089	Медициналық-профилактикалық іс	Биология	Химия
B096	Құқық қорғау қызметі	Дүниежүзі тарихы	Құқық негіздері
B097	Өрт қауіпсіздігі	Математика	Физика